



DEO OPTIMO MAX.

UNI ET TRINO,

VIRGINI DEI-PARÆ, ET S. LUCEÆ,
Orthodoxorum Medicorum Patrono.

QUÆSTIO MEDICO-CHIRURGICA.

QUOD LIBETARIIS DISPUTATIONIBUS,
*manè discutienda in Scholis Medicorum, die Jovis quinto mensis
Martii, Anno Domini M. DCC. L.*

M. JOANNE-BAPTISTA-LUDOVICO CHOMEL,
Medico Regis ordinario, Doctore Medico, Præside.

An tumidis Hæmorrhoidibus Hirudines?

I.



ÆMORROIDES ἀπὸ τοῦ αἵμα. & πῶς, sanguinem fundo, significant ut plurimum venas quæ sunt in Ano. Nomen illud fortitæ sunt quia sæpius sanguinem fundunt, vel ab ipso præter modum distenduntur. Cæcas dicunt vel apertas. Cæca sive lateat intus, sive ad marginem Ani turgeat, sanguinem non reddit, sed illo plena tumet. Aperta dicitur quæ

A

vel extrâ sedem prominens, vel oculis non subiecta sanguinem effundit. Aliquando etiam hoc nomine donantur venæ circa uteros mulierum, eodem naturæ molientis impetu, sanguinem profundentes. Rarò ante pubertatem invadunt: ineunte verò ætatis fervore, sanguine purpureo exundante, juvenibus ἀποδιδωδέναι incipientibus, proflire sanguis æstuat, & quemadmodum mulieribus menstruæ sunt purgationes, quæ, si quâcumque de causâ non fluant, miseræ mulieres variis malè torquent affectibus; sic Viris incremente adolescentiâ quibus ex Naribus vel ex hæmorrhoidibus salubriter non erumpit sanguis, frequenter, pronuntiante Hippocrate, accidunt acutiores affectus, sanguineum sputum, cephalgia, febris putrida, magni abcessus; ideòque ad pubertatem accedentibus, febres magis diuturnas prænuntiat Dictator noster, asseveratque Hæmorrhoidum fluxu laborantes neque Pleuritide, neque Peripneumoniâ, neque Phagadenâ, neque furunculis & . . . neque forsân Leprâ, fortassè autem neque aliis corripì; adeò solvendæ plenitudini & eluendæ Cacochymię opportuno Hæmorrhoidum fluxu Natura potissimùm consulit. Intelligat igitur Medicus salutiferam hanc nunquam cohibere vel suppressere evacuationem, Naturam sequi ducem; hanc utiliter operantem non turbare, laboriosè parturientem non offendere, huic satius, ubi præsens Artis suæ requiritur industria, methodo tutiori auxiliatricem præbere manum.

I I.

NON languidam solum juvare, fatiscentemque erigere, sed Plethorâ redundantem expedire, altius succrescentem naturam minuere, Artis Medicæ nunquam cessans debet esse meditatio laborque; quod verò, nostrâ quidem sententiâ, splendidiùs nunquam elucescit, quàm in Hæmorrhoidum curatione. Cum etenim Hæmorrhoides sint grandioris Naturæ molimina, vel exundantem, vel corrigi nescium humorem foràs pellere ambientis, has placidè fluentes sinat effluere Medicus; tumidas & dolentes leniat, Alvum molliter subducat, excrementorum pondus levet, horum duritiem acedinem ve diluat; prescribat interius syrupum violaceum, serum lactis, Cassiæ medullam, & . . . Blandiatur exterius cum decocto foliorum lactucæ, Hyosciami, Betæ, cæterisque hujus generis medicaminibus, sub fomentis, suffitiis vel cataplasmatibus formâ; suo denique loco, si fieri possit, restituantur, molliterque repellantur Hæmorrhoides. At illas causticis adurere, sectione suppressere, ligaturâ cohibere, Naturæ quippe adversum, nefas sit. Hæmorrhoides cum haberet Alcippus (Libro 4^o. Epidem.) à curatione prohibebatur, per Chirurgiam excisæ sunt, æger infantiit, & acutâ succedente febre, cessavit. Larissæ Eudemus (Libro 5^o. Epidem.) intempestivè per Chirurgiam curatus est. Excisis Hæmorrhoidibus & producto Cancro in parte in quâ fuerant excisæ, sæviæ fe-

bris ad mortem usque. Apud Hollerium vidisse se meminit Duretus Episcopus, cui protuberantia erat in Ano, quæ colore & consistentiâ cutim naturaliter constitutam referebat. Chirurgi suaserunt ut constringeretur accuratè ut excideret, negabat esse faciendum Duretus, huic nulla salus sperabilis, innumera verò calamitates accidere posse videbantur, lino tamen constricta est ut moreretur & excideret. Ecce doloris nata est acerbitas, & in convulsionem incidit miserandus æger. Illud est, inquit Duretus, manu Chirurgicâ curare sed non est sanare. Quâ quidem mente olim impulsus Hippocrates Aphoristicas hæc leges sancire non dubitabat. Ab Hæmorrhoidibus diuturnis curato, nisi una servetur, periculum est Hydropem aut tabem accedere à suppressis Hæmorrhoidibus infania Melancholicis Hæmorrhoides supervenire bonum, non solum, ut ait Galenus, ratione evacuationis, sed respectu peccantis humoris qui evacuat; cur non etiam ratione loci quo celebratur & perficitur evacuatio, & ratione partium quibus subjacet? Illa est tutior breviorque via quâ se tentat explicare & expedire Natura, dum sanguinis exonerationem immediatè & directè per ea quæ impediuntur movens, movet faciliùs tutiùsque quàm si traheret è longinquo & per insontes vias.

I I I.

QUANDIU statis temporibus & periodis fluere non desinunt Hæmorrhoides, eadem esse debet ratio ac de menstruâ Mulierum purgatione: Naturæ auscultandum. At verò si non fluant vel si fluere consuetas inspissans quævis causa, aut rudis medicaster tardaverit, languet corpus, imminuitur appetitus, sæviunt in intestinis tormina, lumborum adest gravitas, Cephalaria torquet, cæteræque benè multæ ingruunt ægritudines malorum irritamenta. Si duræ & tumidæ Hæmorrhoides quas cæcas Latini vocarunt, intestini recti actionem ita impediunt, ut perpetua vellicatio cum ardore pruriginoso orificium recti premat, pungat, atque, vel minimo motu, vel cum alvus deponitur, recrudescat, acerbissimus tunc exoritur dolor: morbo invalescente, vicinæ tument dolentque partes, afficitur vesica, urinæ secretio tardatur, ardet uritque inflammatio; cum dolore immani advenit suppuratio, & serpente malo fistula producitur, eò perfidiæ & periculi plena magis, quòd cuniculos in pinguedine & opimâ carne agens, crescere cundo & strages edere pessimas sit in promptu; sic pari ferè modo luem veneream non apta nata procreare quæ ad vota fluit Gonorrhæa, vel, ex spissitudine & acredine humoris malè fluentis suspensa, vel quod magno vertitur Arti opprobrio, ex artificis imperitiâ, putidâ Meretrice, ni fallimur, nocentiori suppressa, vel perverso injectionum usu in sanguinem refluxa, vel incongruenti drasticorum administratione devia, varia nefandæ luis nunquam non accersit advocatque symptomata. Ubi igitur maximè tument Hæ-

morroides, sanguinique moras nectunt, digitis butiro recenti inun-
 ctis molliter impellentibus, resistunt, medicamentis emollientibus,
 doctam artem superante malo, non cedunt; confugiendum est, ad
 eam medendi methodum, quæ ex ætate, temperamento, sexu, anni
 tempestate, viscerum abdominalium statu, humorum Crassi, vasorum
 tumentium naturâ, colore, situ, functionibus & . . . præscribenda ve-
 nit. Cavendum imprimis ne resilius sanguis massam inficiat, viscera
 contamineat, vasa reddat immeabilia, œconomiamque subvertat. Nec
 cum Germanis ad pilulas aloë, sennâ, colocynthide, gummosisque
 medicaminibus turgidas enemata-ve acria recurrendum censemus,
 nostratûm visceribus adversantur. Gestent veste qui voluerint, scrophu-
 lariæ tuberculos, castaneas indicas, chelidonii radices, Ari bulbum,
 Cardui Hæmorrhoidalis gallas, hæc illudimus mulierculisque linqui-
 mus excolenda. Mollia, dulcia, anodina probamus. Pinguia increas-
 cantia, unguenta, emplastra, astringentia, spirituosâ, caustica non
 suademus. Quid agendum ergo? Quo se vertendum? An ustio usur-
 panda? Crustâ occurrantur, calloque indurescant partes quibus neces-
 saria est lubrica mollities quæ sanguini impellenti cedat & abundanti
 faveat perspirationi. An ferro adaperiendæ Hæmorrhoides? Exquisi-
 to sensui quem Natura recti intestini extremis præsertim impertit fi-
 bris ita adversatur ferrum, ut nunquam nisi maximâ urgente neces-
 sitate admovendum sit, vetat etiam tumoris ad inflammationem ver-
 gentis naturâ & sanguinis intus coerciti præsentia; quis aliun-
 de fluxum sisti forsân indocilem non verebitur? At ligaturâ nodum
 solvere remque expedire consulis. Naturæ profectò non obtemperas;
 Naturam non imitatur ea medendi methodus quæ duram inducendo
 cicatricem, novos (occasione datâ) obices sanguini poneret, lo-
 cumque calculo, lienis duritiei, hepatis obstructioni & ideò
 daret quòd spontaneam impediret Naturæ purgationem. Ableganda
 igitur pernicioza hæc methodus quæ Hæmorrhoidem tollendo vari-
 cem, corpus auxiliatori sacculo defraudat, nec satis est; pellendum
 quò natura vergit, quò consuevit ducere, eò ducendus est humor, hinc
 est quòd venæ sectio non semper tuta sit è brachio, tumentibus Hæmor-
 roidibus, quæ Naturæ non respondet votis. Non etenim à solâ vasorum
 depletione, horumque vacuatione pendet Hæmorrhoidum non fluen-
 tium curatio, requiritur vacuatio κατ'ἔξιν id est è directo, idcirco sanè
 Majores nostri, Cucurbitulas, Scarificationes, Frictiones, Sinapis-
 mum, Deurticationem, Vesicantia, Epispastica, Fonticulos, Cauteria,
 Ustiones, ligaturas frequenter in plurium morborum curatione adhi-
 bebant, ut materiam morbi in ipsâmet Parte oppugnarent, vacua-
 rentque κατ'ἔξιν. Recentiores verò ex detecto sanguinis circuitu, ex
 intellectâ legum hydraulicarum mechanice, solam venæ sectionem ce-
 lebrandam sufficere, cæterisque medendi rationibus, quibus possit san-

5
guis minui, anteponendam esse existimarunt, quod una sublevatâ corporis parte cæteræ brevî, favente sanguinis circuitu, expediri credantur; quasi verò in humano corpore, ægroto potissimum, ad lancem & stateram semper ille excerceretur mechanismus, fluidorum æqualis perficeretur motus, solidorum inconcussus vigeret Elater, quem levior turbat causâ, levissima sæpè destruit. Quidquid sit, Rationi & experientiæ consonum magis videtur, tumidas Hæmorroides adhibitis sanguifugis aperire.

I V.

HIRUDO Græcis *βελλα* à fugendo, apud latinos sanguisuga, insectum est palustre, oblongum, reptile, transversis lineis distinctum, ore subrotundo ac veluti calloso instructum, quod extensione & contractione sui corporis lubrici, vermîs instar, tractu volubili incedit. Hirudo paludosa, subrufa, fulva, nigrescens, obscurè maculosa, crassiori figurâ & longitudine, deterioris notæ censetur; subviridis verò splendore quasi striato, dilutiore, flavescente, fluvialis vel rivulorum incola, tereti formâ probatur & præfertur. Diù nihil pasta, siccò servata vitro, admovetur, digitis molli linteo indutis, absterfo vel leviter perfriçto corporis exsugendi loco, satiata spontè delabitur, partem dimittens, vulnuscûlo quasi triangulari commorsam; plures admoventur ubi larga sanguinis requiritur evacuatio. Dicunt etiam hirudinum caudas secundum fibrarum longitudinem esse amputandas cum jam sanguine repleti incipiunt, ut sanguinem tardius exsugere desinant, guttatim tunc stillat sanguis, supposito, ut aiunt, vasculo; quod quidem observare nunquam nobis contigit. Animalculum etenim illud doloris vel levioris impatiens, derepentè, si forcipe caudam attingas, vulnus dimittit. Ubi sat sanguinis exhauserint Hirudines, tabaci fumo afflatæ, pauco sale vel cinere calenti, vel urinâ aspersæ, facîle cedunt, caduntque, mox in recentes aquas, & sæpius renovandas transferuntur, at tardè novo infligendo vulneri idoneæ sunt, ob crassitiem nutrimenti quo diù turgent. Horum antiquus est in Medicinâ usus, meminerunt quippè Græci, Arabes, Latini, Galenus, Plinius, Rhasis hinc etiam cecinit Poëta.

Nec missura cutem nisi plena cruoris Hirudo.

Deficientibus Chirurgis, vel exiliori vasorum diametro sectionem dissuadent, venæ sectioni mirum in modum succenturiantur. Referente Rhazi (lib. 36. cap. 3.) Hirudines tumidæ faciei rubrum colorem seu tineam rubicundam suctione profigarunt. Narrante Zacuto, inveteratis fædæ faciei pustulis quadraginta admotæ Hirudines curationem morbi absolverunt. Phrenitidem ex Lochiis retentis quatuor ad uteri viciniam admittæ Hirudines, præmissis incassum venæ sectionibus, sanaverunt, Epilepsiam ab eadem ortam causâ mitigarunt. Cephalalgiam

& vertiginem venis retrò aures inductæ, composuerunt: periculofam linguæ intumefcentiam Hirudinum exinanivit fuctus. In ophtalmiâ pertinaci, oculi angulo, inferioribusque palpebris & temporibus maximo cum fuccellu admotas vidimus Hirudines. Nafi ruborem inhonestum datum est auferre unico Hirudinis favente fuctu. Quid plura? Dicendi non effer finis, fi quæ paffim apud authores, Stalhium imprimis, paffim traditione, propriâve experienciâ de efficaci Hirudinum applicatione innouerunt, liceret enarrare; fed qualifcumque fit huius Animalculi ufus, pro fublevandis quamplurimis agritudinibus, nullibi præftantior eft quàm in Ani tumentibus venis, quòd nullibi utilitatem magis eximiam, laboranti naturæ conferant, quàm cum Naturâ monftrante viam, fluxum fanguinis promovent. Ibi tutò, liberè, commodè, è directo, fanguis evacuat, & tunc abfcinditur radix, ut Stalhii verbis utar, omnium affectuum circà regiones corporis inferiores. Sic bilis orgafmum, fanguinis exuperantiam, melancholiæ furores, renitentis abdominis tumorem, hepatis obftructionem, lienis duritiem, quartanas rebelles, pertinacem ifchiaidem, morbum hippochondriacum, nullo medicaminum generi cedentem, fæpius exaferatum, vagam arthritidem, fola Hirudinum admotio, vel tumidis Hæmorrhoidibus, vel ipfifmet Ani marginibus, debellavit, fugavitque.

V.

NIHILOMINUS anceps dubiusque hæres; exiftimas cum Galeno, Mercuriali, Alexandro Maffariâ, vulnus ab Hirudinibus inflitum effer anguftius, quàm ut poffit craffitudo fanguinis exire, partemque fluidiorem tantum erumpere; pro certo tenes fanguinem eum attrahere Hirudines, qui carni adjunctus eft, non qui in imo continetur corpore: at verò ut irruenti fanguini pateat liberior aditus, foramenque, licet tenuiffimum, dilatetur, pars ab Hirudine commorfa, ex Oribafii præcepto, molli fpongiâ foveretur, balneo aquæ dulcis & tepidæ irroratur, admovetur etiam, fi neceffe fit, cum Galeno, Hollerioque noftro, cucurbitula quæ ad libras plures fanguinem cogit effluere, quæ quidem largior rarò convenit evacuatio; ita enim aliquandò abundanti rivo ex Hæmorrhoidibus fluit fanguis, ut ad cauftica & aftringentia, cum Hippocrate & Galeno confugiendum fit, ne adveniant cachexia, tabes, hydrops. Ex toto igitur fanguinem trahunt Hirudines quæ trahunt ex Hæmorrhoidibus, non verò unicum qui carni adjunctus eft. Quare autem cæcis tumidisque Hæmorrhoidibus applicandas Hirudines iam animosè cenfemus, quòd falutifera ea fit evacuatio quæ Naturæ congruit, quòd fecura quæ trahit è directo, quòd utilis quæ peccantem humorem per breviorẽ viam educit, quòd neceffaria quæ fanitatis fervat integritatem, imminentes morbos antevertit, præfentes, herculeos quamvis, debellat & fanat.

Novimus Mulierem ita ascitè laborantem, ut ad paracenthesim multoties celebrandam coacta confugere, curaretur ad tempus, non sanaretur. Ecce autem artem docente Naturâ, curamque suscipiente, larga derepentè advenit Hæmorrhoidum vacuatio, ægramque liberavit ad annos. Vidimus Mulierem annis triginta-novem natam, asthmatis paroxismo, variantibus anni tempestatibus, suffocata, hepatide sæpiùs laborantem, nephritico quandoque dolore divulsam, colicâ modò intestinali, histericâ modò fatigatam, hisque affectibus variis eò magis obnoxiam quòd ob hæreditariam & vagam arthritidem, cum puerili scabie suppressâ, conjunctam, tota nervorum compages sævum in modum levissimâ de causâ doleret, & spasmodicè torqueretur. Huic miseræ Mulieri ortu nobilissimâ, ingenio ornata, animo plenâ, sortis dignâ melioris, toties à pueritiâ repetita fuerat venæ sectio, ut vasa omnia Cubiti, Radii, Carpi, Pedis lanceolâ fædata, & quasi concisa operationem licet indictam omninò rejicerent. Hanc in afflueto diversorum symptomatum paroxismo visitans, cum invenissem dolente abdomine, hepate tumido, diaphragmate quasi fursùm retracto (sæviebat acriter asthmatis paroxysmus) exiguoque pulsu laborantem: ecce Natura, tantis, etsi oppressa & fatigata symptomatibus per tumidas Hæmorrhoides sublevare se enixa est, mihi quæ quid præscriberem incerto, monstravit viam. Protinùs occasionem arripiens elabi promptissimam, admovendas Hirudines jussi. Vix sanguis fluere incepit, spissus, fæculentus, atrò rubescens, cum subito pulsum reviviscere, ventrem deprimi, urinas cieri, Diaphragma descendere, aërem spirari, hepatis regionem elevari, secretiones uno verbo re-integrari & quod faustum magis nec satis prædicandum, hæc omnia symptomata non ad menses ut olim cum balneis, venæ sectionibus, temperantibusque medicamentis, sed ad annum & ampliùs solis admotis Hirudinibus, solo fluxûs Hæmorrhoidalis promoti beneficio conticuere, & quæ per plures annos in fellâ Brachiatâ, noctes infelix erecta perdiderat, lecto nunc sana decumbit; adeò verùm non quantitate evacuati sanguinis, sed qualitate, sed electione loci per quem extrahitur sanguis Naturam ægrotantem juvari atque sublevari. Curavimus virginem annis viginti quinque natam, quibusdant abhinc annis ob menstruæ purgationis tardantem fluxum, colicis doloribus nephriticam, uterinamque colicam sæpè referentibus, ita vexatam, ut pluries noctu è lecto pulsus auxilium & opem laturus currem. Lacerabant miseram distenti ventris tormina; torquebant sævum in modum semianimem vomitus horrendi; venæ sectiones innumeras, fomenta, olea, victum tenuissimum, cæteraque hujus generis medicamina, vix favente successu præscripseram. Balnea aquæ dulcis, ad menses quâvis die per quatuor horas, usurpanda censueram, ut tumens & acriter renitens universum abdominis spatium molliorem

& redigerem ; vix ægra tepidæ balneum aquæ subierat , cum aquam proprio calore ita recalesceret ut plures aquæ stuli alternatim in balneo projecti , illud vix temperarent. (Quem visceribus æstum !) Emulsiones , serum lactis , & id medicaminum genus incassum adhibebantur. Incendebant narcotica , non sedabant , astringebant non aperiebant aquæ martiales , humores rarefaciebant non pellebant sulphuræ & thermæles. Venæ sectionem non semper admittebat debiliior pulsus ; à spisso & visceribus abdominalibus hærente sanguine universa symptomatum cohors ut plurimum ducebat originem ; at massam hanc penetrare , vasorum Mæandros permeare , hoc opus hic erat labor ; cæca modò interiùs , exteriùs modò , tumebat Hæmorrhoidum congeries , strictamque pertinaciter alvum reddebat strictiorem. Hirudines igitur pluries admovendas eò confidentiùs præscripseram , quòd ab ipsismet abdominalibus vasis sanguinem , eliciendum esse fortiter persuasum haberem ; at nescio quo suffusa pudore puella renuebat acriter , per annumque ferè integrum pugnaverat ; sed atroci multotiesque recidivo viçta tandem , & ferè confecta malo , nullamque aliam à nobis sententiam quam enixè postulabat accipiens , Hirudines admoveri permisit ; quæ quidem ità prosperè successit operatio ut deindè quavis die , quavis horâ Hirudines invocaret , has amicas appellaret , præcibusque admovendas efflagitaret , donec perfectè sanata fuerit , Hirudinum plusquam quinquaginta admotiõne trium mensium intervallo. Quidni igitur concluderemus ?

Ergò tumidis Hæmorrhoidibus Hirudines.

DOMINI DOCTORES DISPUTATURI.

M. Hugo Capet.

M. Joannes-Jacobus Messence.

*M. Philippus Davier de Breville ;
Dotarie Hispaniarum Regi-
ne , dum viveret , Medicus
ordinarius.*

M. Petrus-Augustus Adet.

*M. Carolus-Franciscus Therouide
de Toulouise de Vallun , Eques.*

M. Guillelmus de Maguy.

M. Jacobus Bardeu du Bourg.

M. Laurentius Ferret.

M. Gabriel-Antonius Jacques.

Proponebat Parisiis JOANNES-FRANCISCUS-CLEMENS
MORAND, Parisinus, Saluberrimæ Facultatis Medicinæ Pa-
risiensis Baccalaureus, A. R. S. H. 1750, à sextâ ad meridiem.